

Զորդ ժամաւ հասեալ ի շէնն Հալոսա հանգեաք ի պանտոկսն նոյնասարաս քան զՊուրղազ :

Եւ Եշի աւուր (22 Մարտ) ելեալ անտի հասաք ի մեծ քաղաքն Էտրէնէ, չորրորդ ժամաւ քանակաւ որ լինէր իջեանս Զ ընդ աւուրքք և ժամս լինէր միանգամայն Ս և Դ : Եւ յորժամ մտաք ի քաղաք, և ահա՛ ելանէր բանակ ամենայն արհեստաւորաց՝ թէ ի պատերազմ երթիցեն : Եւ էր պատճառ պատերազմին [սո]վորական այս. քանզի արհեստ էր վէզիրին հիււանդանալ յորժամ և կամէրն, և այժմ հիւանդացեալ էր. եւ ի գալստեանն արքայի առ նա՝ ասէ ցարքայ. Գի՛տ քեզ գործակալ եւ տէր կնքոյդ : Եւ ասէ արքայ. Զո՞ գիտեմ բաց ի քէն : Եւ նա ասէ. Ո՛վ առիւծ իմ, արդ օր մահուան իմոյ հասեալ է, զիա՞րդ ասես զիս գիտել : Եւ հարցանէր նմա, և վէզիրն ասէ. Դու գիտես, ի չափ հասեալ ես, զո՛ կամիս՝ այն է վէզիրն քո : Եւ զնացեալ արքայի առ մայրն ի խորհուրդ, և մայրն զիւրն կամէր՝ զԱլի քէհեա : Եւ հարցեալ վէզիրն առ թագաւորն և ուսեալ ի նմանէ զայն, ի նոյն աւուրսն արար հրաման զօրաց, ժԸ օտա եհնկիչէրոց եւ զուլս զօրուն արար զԱլի քէհեա, եւ հրամայեաց փոյթ ընդ փոյթ զի երթիցեն : Եւ յաւուր Եշի՝ Մարտի Իթ՝ արար ալայ սէրէսքէր, և երկիր եպագ թագաւորին և վէզիրին, և երթայր ի բանակ, նստէր հանդէպ քաղաքին :

Եւ ի միւսում Եշոջ՝ Ե Ապրիլի՝ ել ամենայն զօրօքն զօրագլուխն Ալի փաշա և զնայր ի Մաճար : Եւ այգուցն Զշի (6 Ապրիլ) առաւօտու առողջանայր վէզիրն եւ մեծ տիւանս առնէր : Եւ զդեսպանն Լէհայ խիլայեաց, ընդ նմին և զՆ արանց¹⁾ ևս զգեցոյց կա-

1) առն.